

TRIBUNAL
CONFESSARIORUM,
E T
ORDINANDORUM
CUM ADDITIONIBUS

Propositionum Damnatarum, & Bullæ Cruciatæ.



TRIBUNAL
CONFESSARIORUM,
ET ORDINANDORUM

DECLINATO PROBABILISMO, COMPLECTENS

stylo brevi, clara, ac firma Sententia, omnes usitatiores materias Theologico-morales juxta probabiliora, ac inconcussa Dogmata Angelici, ac Quinti Ecclesie Doctoris, *D. THOMÆ AQUINATIS* Ordinis Prædicatorum, ejusque invictissimæ Scholæ:

SERVIENS OMNIBUS THEOLOGIS MORALIBUS,

potissimum iis, qui sive pro animarum cura, aut Ordinum susceptione, sive pro imponenda Theologia Moralis studio coronide, vel defendendis Thesis moralibus methodo Thomistica arguere, examinare, aut responsa dare cupiunt. Ipsis etiam pœnitentibus, cuiuscunque sint conditionis, perutile ac necessarium.

Opera, ac studio

R. P. MARTINI VVIGANDT

Ord. Prædic. SS. Theologiæ Magistri, ejusdemque in celeberrima, & antiquissima Universitate Viennensi Doctoris, ac quondam studii Generalis in Conventu Primi Moderatoris, leu Regentis.

EDITIO CÆTERIS CLARIOR, ET CORRECTIOR,

A R. P. FRANCISCO VIDAL gemino Tractatu Propositionum Damnatarum, & Bullæ Cruciatæ aucta.



VENETIIS, MDCCXXXIII

Apud Nicolaum Pezzana.

SUPERIORUM PERMISSU, AC PRIVILEGIO.



SANCTO SANCTORUM,
SACERDOTI IN ÆTERNUM,
VERBO INCARNATO

Se, & verba sua Auctor consecrat.



Ante Sanctorum, Sacerdos æterne, Judex Supreme; VERBUM CARO FACTUM; Benignis auribus percipe verba mea, quibus Sacerdotum tuorum TRIBUNAL ex sua infirmitate, inaccessiblei adrepat, seque humillimè subternit MAJESTATIS TUÆ Solio. Felicitatem etenim quarit in suo principio, & centro. Redit ad fontem, unde exivit. Ex alieno liberalis; quod tuum est, TIBI tribuo. Verba, quæ, & quot amplectitur, tua sunt, qui es Dux omnis Verbi. Doctrina mea, quæ in eis est, non est mea, sed est illius VERBI, quod è Crucis pulpito paucis verbis, BENE SCRIPSIISTI DE ME, THOMA, omnia THOMÆ AQUINATIS verba censuravit, approbavit, justificavit. TU VERBUM Patris es; Thomas (Adverbium Filii) BENE tuum, eructat Verbum bonum. Verba Thomæ à VERBO Patris probata sunt, testimonio indefinito, ideòque universali. Ergo absque omni proflus errore scripsit, qui censuratur, dum nec fallere, nec falli potest, qui censurat, & probat. Quidni proin TRIBUNALIS hujus verba, infinitis TITULIS VERBO Patris debita, singulari sacrarem TIBI submissione? Judicium namque est mundi, ea propter ad Supremum appellat Judicem. TRIBUNAL Confessariorum est, Tu ligandi, atque solvendi potestatem dedisti; aperis, & nemo claudit; claudit, & nemo aperit. Examen Ordinandorum est, Tu Summus es Sacerdos, cujus Sponsa Ecclesia est, sicut castrorum acies ordinata: cuique Sacerdotii Character noster est participium. TU VERBUM divinum es, munus, quod offero, divina sapit, quia Theologicum est. TU VERBUM practicum es, portans omnia VERBO virtutis tuæ, quo Cæli firmati sunt: ideòque Theologiam practicam TIBI dedico. Tu brevitatem amas. VERBUM es abbreviatum, hinc Theologiam abbreviatam immensè quodammodo Theologici Moralismi Synopsis TIBI consecro, TIBI, inquam, qui scientiarum Dominus es, cujus Sapientie non est numerus: qui Sapientia tua attingis à fine usque ad finem fortiter, & disponis omnia suaviter in numero, pondere, & mensura. TIBI qui scibilis universi es ALPHA, & OMEGA; Theologorum omnium Vox, & Echo; Prophetarum inspirator; Apostolorum Magister; Evangelistarum Doctor; Doctorum vita. Doctores sine hoc VERBO sunt sicut corpus sine anima, in ipso vivimus, movemur, & sumus. Hoc VERBUM Doctorum Sol, & radius est, sine quo VERBO sunt sicut Cælum sine Sole,

populus, Sic fit Sacerdos, rudis, Legis Dei ignarus, stupidus, caractere sacerdotali indignus.

Audite hæc Sacerdotes, & auscultate iudicium Osee 5. *Quia tu scientiam repulisti, repellam te, ne Sacerdotio fungaris mihi*: Osee 4. ait Dominus ad Sacerdotem Curatum, Sanguinem commissi Gregis de manu ejus requirens. Ut ergo labia Sacerdotis custodiant scientiam, Malac. 2. & ne, dum cæcus Sacerdos populo cæcum ducatum prestat, ambo in foveam cadant æternæ damnationis: Matth. 15. Pro subsidio cape hunc meum laborem, qui, si tibi placet, bene est; utere eo ad famosiorum Casuistarum intelligentiam. Si displicet, vade tu, Zoile, & fac melius. Hoc unicum suadeo, probabiliorisimum amplectere, non quâ meum, sed quâ aliorum Sen- & Saniorum, quorum non sum dignus corrigiam calceamentorum solvere. Cæterum si quid in hoc Opus irrepsisset à genuino Matris Ecclesiæ, vel Angelici Doctoris sensu alienum, millies revocatum esto.

NOI RIFORMATORI

Dello Studio di Padova.

HAvendo veduto per la Fede direvisione, & approvazione del P.F. Vincenzo Maria Mazzoleni Inquisitor General nel Libro intitolato *Tribunal Confessariorum, & Ordinandorum P. F. Martini Vviganth Ordinis Predicatorum*; non v'esser cos' alcuna contro la Santa Fede Cattolica, & parimente per Attestato del Segretario Nostro niente contro Principi, & buoni costumi, concediamo Licenza à Nicolò Pezzana Stampatore, che possi esser stampato, osservando gli ordini in materia di Stampe, e presentando le solite copie alle Pubbliche Librerie di Venezia, e di Padova.

Dat. 18. Marzo 1705.

(Ferigo Marcello Proc. Rif.
(Girolamo Venier Kav. Proc. Rif.
(

Agostino Gadaldini Segr.

IN-



TRACTATUS PRIMUS,
ET
PROOEMIALIS.

De Requisitis in Confessario.



Ulla est disciplina, vel ars, etiam illiberalis, ac mechanica, cujus in Magistrum antequam quis creetur non sit Candidato subeundum examen; vel opere ipso, sive artefacto comprobandum, quòd eos in arte fecerit progressus, ut Magistrorum Catalogo possit merito accenseri: *Nam sunt plerique (ait S. Gregor. in prolog. Pastor.) qui dum metiri nesciunt, qua non didicerunt, docere concupiscunt: qui pondus Magisterii tantò levius aestimant, quanto vim magnitudinis illius ignorant. Et his vae! & vel maximè vae illis, qui se, inscitiamque suam metiri nesciunt, cum qua animarum curæ, muneri, angelicis etiam humeris formidando, se accingunt; sæpè quò stupidiores, eò ad id promptiores: quæstui temporali interdum magis, quàm spirituali inhiantes. Hinc non mirum, quòd animarum Curæ applicandi prius citentur ad Tribunal, rigidè examinandi, an Magisterio digni, inque aliorum Doctores, ac Judices sint creandi, necne. Pro quorum eruditione. Sit*